

Das 23. Capitel.
Wie die Stunden der Juden bey
Nacht zu finden sein.

W Ann die gemeine Stund bey Nacht gefunden worden/
oder dir sunsten ein Stund der Nacht fürnimbst/vñ gern
wissen woltest / was es bey den Juden oder aleen Römern für
ein Stund sey / so such den grad der Sonnen auff denselben
Tag / vñ nimb sein gegenstand oder wurff (als / wann die
Sonn werim 12. grad des Widers / so nim den 12. grad der
Wag) in der Planeten Lini auff der Lini L. M. leg als bald da-
rauff das vnderst Berlin / fürs auff dem Faden auff die 12. ge-
meine stund mittags / wirdt aber dismal für die 12. stund der
Mittenacht verstanden : dann sihe / wo der Fad die Mittags
Judenstund 6. berüre / dahin ruck das oberst Berlin : wann
das geschehen / so seind die Berlin recht gericht.

Darnach gedencck nicht anderst / dann das die Stunden
des Tags allenehalben stunden der Nacht sein / die stunden
Vormittag sein jete stunden Nachmitternacht. Auff welche
Stund ich nun der Judenstund wissen will / dahin leg ich den
Faden mit dem vndern Berlin / so zeigt mir das oberst Ber-
lin die Judenstund / so ich gesucht hab : ist es auch Vor-
mitternacht / so nimbich die Judenstund von 1. bis
auff 6. ist aber Nachmitternacht / gebrauch ich
die Stund von 6. bis
auff 12.

E iij

Das